

四庫全書

經部

欽定四庫全書

經部

儀禮經傳通解續卷八

詳校官尚書臣德保

給事中臣溫常綬覆勘

總校官進士臣繆琪

校對官中書臣吳俊

謄錄舉人臣周克鵬

欽定四庫全書

儀禮經傳通解續卷七

宋黃幹撰

卒哭祔練祥禫記七

吉祭忌日附

喪禮五

補

案喪禮但至虞禮而止卒哭祔練祥禫之禮經無文今取其散見於傳記者哀集成編以補喪禮之缺喪大記補篇亦但止於虞禮若卒哭以後之禮亦此篇通載故列於喪大記之後

死三日而殯三月而葬遂卒哭

謂士也雜記曰大夫三月而葬五月而卒哭諸

侯五月而葬七月而卒哭此記更從死起異人之間其義或殊疏曰遂卒哭不言三虞者是記人畧言之注

云謂士也者以此篇是士虞故知三日三月據士而言引雜記者見大夫以上與士異者以王制大夫士同有三日而殯三月而葬之文雜記云大夫亦同三月而葬卒哭則士云三月大夫五月卒哭之月不同者曲禮云生與來日死與往日鄭云與猶數也生數來日謂成服杖以死來日數也死數往日謂殯斂以死日數也大夫以上皆以來日數若然士云三日殯三月葬皆通死日死月數大夫以上殯葬皆除死日死月數是以士之卒哭得葬之三月內大夫三月葬除死月通死月則四月大夫有五虞卒哭在五月諸侯已上以義可知云此記更從死起異人之間其義或殊者上已論虞卒哭此記更從始死記之明非上記人是異人之間其辭或殊其實義亦不異前

本經記

士三月而葬是月也卒哭大夫三月

而葬五月而卒哭諸侯五月而葬七月而卒哭

詳見喪大記卜

葬日條

又案檀弓卒哭曰成事疏云大夫三月而葬

五月而卒哭諸侯五月而葬七月而卒哭約此天子七

月而葬九

卒哭他用剛日

詳見士虞禮

將旦而祔則薦

月而卒哭

薦謂卒哭之祭

疏曰云祔則薦者記人見卒哭之祭

為祔而設故連文云將旦而祔則為此卒哭而祭也

士虞禮記

是日也以吉祭易喪祭

卒哭吉祭檀弓

婦之喪卒

哭夫若子主之

詳見士虞禮

祭成喪者必有尸

詳見士虞禮

男男尸女女尸

同上祔練祥禫通用以上兩條

用嗣尸

虞祔尚質未暇筮尸

疏曰言用嗣尸則從虞以至祔祭唯用一尸而已云

虞祔尚質未暇筮尸者以其哀未殺故云尚質未暇筮

尸若然練祥則筮尸矣故小記云練筮日筮尸大祥筮

尸可知是以鄭上文注云餞尸旦將始祔于皇祖是用

一尸士虞
記祔通用

庖人共喪紀之庶羞

詳見喪大
記虞章

圉人獸

人共獸腊人共乾肉魚人共鱣鼈醢人共豆

詳見喪大
記陳小斂

奠籩人共籩

詳見朔月
月半奠條

自天子達於庶人祭從生者

詳見士
虞禮

子為士祭以士子為大夫祭以大夫

同上
以上三

條祔練祥
禪通用

上大夫之虞也少牢卒哭成事附皆大牢

下大夫之虞也菹牲卒哭成事附皆少牢

詳見喪大
記虞章

祭稱孝子孝孫喪稱哀子哀孫

名以其義稱
疏曰祭
吉祭謂自卒哭以後之

祭也吉則中孝子心故祝辭云孝或子或孫隨其人也
喪稱哀子哀孫者謂自虞以前祭也喪則痛慕未申故

稱哀也故士虞禮稱哀子卒哭乃
稱孝子 雜記 祔練祥禫通用

卒哭曰成事

詳見喪禮

義

曰哀薦成事

詳見士虞禮

卒辭曰哀子某來日某濟

祔爾于爾皇祖某甫尚饗

卒辭卒哭之祝辭濟升也尚庶幾也不稱饌明主為告祔

也今文齊為齊 疏曰卒辭卒哭之祝辭者謂迎尸之前祝釋孝子辭云爾但卒哭之祭實有牲饌而不稱者以其卒哭祭主為告神將祔於祖而設牲饌故不言也 女子曰皇祖妣某氏

女孫祔於

祖母 疏曰此女子謂女未嫁而死或出而歸或 婦曰

孫婦于皇祖姑某氏

不言爾曰孫婦婦差疏也差所賣反 疏曰此對上文

孫祔于祖而云祔于爾皇祖某甫此則不曰爾而變曰孫婦婦差疏故不云爾也若然上女子亦不云爾者文

承孫下云爾可知直其辭一也

來日某濟祔尚饗疏曰他辭一者正謂

來日某濟祔尚饗女子及孫婦皆有此辭故云其他辭

一也其祔女子云來日某濟祔爾于爾皇祖妣某氏尚饗其孫婦云來日某濟祔孫婦於

皇祖姑某氏尚饗士虞禮記饗辭曰哀子某主

為而哀薦之饗

詳見士虞禮記案卒哭之祭是以吉祭易喪祭則合稱孝子孝孫今尚稱哀

者宜孝子不忍忘其哀至祔而神之乃稱孝歟

獻畢未徹乃餞

卒哭之祭既三獻也餞送

行者之酒詩云出宿于涕飲餞于禰尸旦將始祔于皇祖是以餞送之古文餞為踐疏曰自此盡不脫帶論

卒哭之祭未徹餞尸於寢門外之事鄭云卒哭之祭者案上文直云獻畢未徹乃餞不言卒哭鄭知是卒哭之

祭者以其三虞無餞尸之事明旦祔於祖入廟乃有餞尸之禮故鄭據卒哭而言若然三虞不餞尸者以其三

虞與卒哭同在寢祔則在廟以明旦當入廟以其易處鄉尊所故特有餞送尸之禮也引詩者彼生人餞行人之禮為行始此祭祀餞尸之禮亦鄉祖廟為行始事雖異餞送飲酒是同故引為證也知旦將始祔於皇祖者下云明日以其班祔鄭云卒哭之明日也是明日之旦也尊兩甒于廟門外之右少

南水尊在酒西勺北枋

少南將有事于北有玄酒即吉也此在西尚凶也言水者喪質

無鬻不久陳古文無為廡也疏曰少南將有事於北者正謂下文云尸出西右南面已下是也云有玄酒即吉也者以其虞祭用醴酒無玄酒至卒哭云如初則與虞祭同今至餞尸用玄酒酒則尋常祭祀之酒非醴故云即吉也云此在西尚凶也者以其言祭祭尊在房戶之間至於虞祭尊在室是凶今卒哭餞尸尊在門西不在門東是尚凶故變於吉也

洗在尊東南水在洗東篚在西

在門之左又少

南餞籩豆脯四脰

脰徒頂反又他頂反酒宜脯也古文脰為挺

有乾肉折俎

二尹縮祭半尹在西塾

乾肉牲體之脯也如今涼州烏翅矣折以為俎實優尸也尹正

也

雖其折之必使正縮從也古文縮為蹙從子容反疏曰涼州烏翅者經云乾肉折俎則漢時乾脯似之

故鄭以今曉古也

尸出執几從席從

祝入亦告利成入前尸尸乃出乃出几席素几葦席也以

几席從執事也

疏曰祝入亦告利成入前尸尸乃出

者雖餞行飲酒尸將起之時祝亦如虞祭告云利成尸

乃與以前尸也知几席素几葦席也者上經初虞云素

几葦席在西序至及再虞三虞及卒哭皆如初不見更

設几席之文明同初虞用素几葦席今卒哭祭未餞

尸於門外明是卒哭之几席故知是素几葦席也

出門右南面俟設席也疏曰知俟設席者尸在門右

南面在坐北立下即云席設之事明俟設

俟設席也疏曰知俟設席者尸在門右

席也 席設于尊西北東面几在南賓出復位

將入臨之位士喪禮賓繼

兄弟北上門東北面西上門西北面東上西方東面北上

主人出即位于門東少南

婦人出即位于主人之北皆西面哭不止

鄭注云婦人出者重餞尸

疏曰婦人有事自堂及房而已今出寢門之外故云重餞尸也

尸即席坐惟主人不哭

洗廢爵酌獻尸尸拜受主人拜送哭復位薦脯醢設俎

于薦東胸在南

胸其俱反在南變於吉

胸脯及乾肉之屈也屈者疏曰主人拜送者案上

祭云主人答拜特牲亦云拜送則拜時吉凶同也云屈者在南變於吉者案曲禮云以脯修置者左胸右末鄭云屈中曰脯則吉時屈者在左今尸東面而云胸在南則是凶禮屈者在右末頭在左故云變於吉也

尸

左執爵取脯孺醢祭之佐食授臠

授乾肉之祭

尸受振祭臠

反之祭酒卒爵奠于南方

反之反於佐食者經云佐食授臠尸受振祭臠訖而云反之明反與佐食佐食乃反于俎可知也云尸奠

爵禮有終者上經云三獻尸皆有酢今餞尸三獻皆不酢而奠之是為禮有終謂若主人拜送賓不答拜亦是禮有終也主人及兄弟踊婦人亦如之主婦洗足爵亞獻如

主人儀無從踊如初賓長洗纔爵三獻如亞獻踊如初

佐食取俎實于篚尸謏從者奉篚哭從之祝前哭者皆

從及大門內踊如初

男女從尸男由左女由右及至也從尸不出大門者由廟門外無事

尸之禮也古文謾作休疏曰鄭知男女從尸男由左女由右者約上文男子在南婦人在北南為左北為右因從此位便故知男子由左婦人由右也云從尸不出大門者由廟門外無事尸之禮也者在廟以廟為限在寢門外以大門為限正祭在廟廟門外無事尸之禮今餞尸在寢門外則大門外無事尸之禮故鄭舉正祭况之從尸不出大門外取正祭比之尸出門哭者止於外故注云由廟門外無事尸之禮也

大門猶廟門疏曰尸出大門哭者便止者正以餞于寢門以大門為限似事尸在廟門為限故鄭云大門猶廟門也

賓出主人送拜稽顙送賓拜于大門外疏曰上也故不出大門送之送賓於大門外自是常禮故云主婦送賓拜於大門外但禮有終賓無答拜之禮也

亦拜賓女賓也不言出不言送拜之於闈門之內闈門如今東西掖門疏曰上主人送男賓故知此

主婦拜女賓也云不言出拜送之於闈門之內者決上
文男主拜男賓言出送此明主婦送女賓于門之內以
其婦人送迎不出門見兄弟不踰闕故也云闈門如今
東西掖門者案爾雅釋宮云宮中之門謂之闈則闈門
在宮內漢時宮中掖門在東西

丈夫說經帶于廟門外

若人左右掖故舉以為况也
既卒哭當變麻受之以葛也夕日則服葛者為祔期今
文說為稅疏曰既卒哭當變麻受之以葛也者喪服
鄭注云大夫以上虞而受服士卒哭而受服士亦約此
文而言也云夕日則服葛者為祔期者今日為卒哭祭
明旦為祔前日之夕為祔祭之期變麻服葛是變重從
輕明旦亦得變不要夕期之時變之夕時言變麻服葛
者鄭云為祔期是因祔期入徹主人不與入徹者兄弟
即變之使賓知變節故也
主人不與則知丈夫婦人在其中古文與為豫疏曰
鄭知入徹是大功以下者見曾子問云士祭不足則取

於兄弟大功以下者經云入徹主人不與明取大功小
功總麻之等入徹也云言主人不與則知丈夫婦人在
其中者上文直言丈夫說經不辨親疏下文婦人脫首
經不辨齊斬婦人此云入徹據大功以下則此文入徹
主人不與之中丈夫婦人兼有可知以其平常祭時諸
宰君婦廢徹不遲則凶祭丈夫婦人亦在但齊斬不與
耳婦人說首經不說帶

不說帶齊斬婦人帶不說也婦人少變而重帶帶下體之上也

大功小功者葛帶時亦不說者未可以輕文變于主婦
之順至祔葛帶以即位禮弓曰婦人不葛帶疏曰知
齊斬婦人帶不變也者案喪服小記云齊衰帶惡筭以
終喪鄭云有除無變舉齊衰則斬衰帶不變可知齊斬
帶不變則大功已下變可知云婦人少變者以其男子
既葬首經腰帶俱變男子陽多變婦人既葬直變首經
不變帶故云少變也云而重帶帶下體之上也者對男
子陽重首在上體婦人陰重腰是下體以重下體故

帶不變也云大功小功者葛帶者案大功章云布衰裳壯麻經纓布帶三月受以小功衰即葛九月者又案小功章云布衰裳麻帶經五月者二者章內皆男女俱陳明大功小功婦皆葛帶可知云時亦不可說者未可以輕文變於主婦之質者變是文不變是質不可以大功已下輕服之文變主婦重服之質故經直見主婦不見大功已下也云至祔葛帶以即位者此鄭解大功以下雖夕時未變麻服葛至祔旦亦當葛帶即位也知天功以下夕時未變麻服葛者以其與主婦同在廟門外主婦不變大功以下亦不變若然夕時不變夕後入室可以變故至祔旦以葛帶即位也引檀弓者亦證齊衰婦人不葛帶之事詳見士虞禮無尸則

不餞猶出几席設如初拾踊三

以餞尸者本為送神也丈夫婦人亦從几席而

出占文席為筵餞之事云几席設如初者雖無尸送神不異故云如初

疏曰自此至賓出論卒哭祭無尸可

故鄭云餞尸者本為送神也云丈夫婦人亦從几席而出者以其云出几席設如初即云拾踊三明在門外有尸行禮之處即知丈夫婦人從几席出可知言亦者亦餞尸之時也哭止告事畢賓出士

禮記

脯曰尹祭

曲禮
祔通用

父母之喪既虞卒哭疏食水

飲不食菜果柱楣翦屏竿翦不納

詳見通禮
飲食居處條

天子

崩國君薨則祝取羣廟之主而藏諸祖廟禮也卒哭成

事而后主各反其廟

藏諸主於祖廟象有凶事者聚也
卒哭成事先祔之祭名也疏曰

此實凶事而云象者以凶事生人自聚今主亦集聚似生人之聚故云象也卒哭成事先祔之祭名者檀弓云卒哭曰成事又曰明日祔于祖是卒哭之事在祔祭之前鄭必云先祔之祭名者以卒哭主各反其廟者為明

日祔時須以新死者祔祭於祖
故祖主先反廟也

曾子問

卒哭而諱

諱辟其名辟音避

生事畢而鬼事始已

謂不復饋食於下室而鬼神祭之已辭也

既卒哭宰夫

執木鐸以命于宮曰舍故而諱新

鐸大各反祖之父當遷者也易

說帝乙曰易之帝乙為成湯書之
帝乙六世王天之錫命疏可同名

自寢門至于庫門

百官

所在庫門宮外門明堂位曰庫門天子皋門
哭而諱者諱謂神名也古者生不相諱卒哭之前猶生
事之故不諱至卒哭乃有神諱也生事畢而鬼事始已
者既虞卒哭則生事畢鬼神之事方為始也下室謂內
寢也時飲食有事處也未葬猶生事當以脯醢奠殯又
於下室饋設黍稷至朔月月半而殷奠殷奠有黍稷而
下室不設也既虞祭遂用祭禮下室遂無事也然不復
饋食於下室文祿卒哭之下卒哭之時乃不復饋食於

下室皇氏以為虞則不復饋食於下室於理有疑又曰高祖之父謂孝子高祖之父也於死者高祖也卒哭猶未遷故云當遷也至小祥乃遷毀也易說帝乙曰易之帝乙為成湯者鄭引易證六世不諱故卒哭而舍高祖之父也易說者鄭引云易緯也

檀弓

卒哭而諱

自此而鬼神事之尊

而諱其名王父母兄弟世父叔父姑姊妹子與父同諱其父為

諱則子不敢不從諱也謂王父母以下之親諱是謂士也天子諸侯諱羣祖

母之諱宮中諱

妻之諱不舉諸其側與從祖昆弟同名則諱

母之所為其親諱子

孫於宮中不言妻之所為其親諱夫於其側亦不言也孝子聞名心懼凡不言人諱者亦為其相感動也子與父同諱則子可盡曾祖之親也從祖昆弟在其中於父輕不為諱與母妻之親同名重則諱之疏曰王父母

欽定四庫全書

卷七

九

者謂父之王父母於已為曾祖父母正服小功不合諱也。以父為之諱，故子亦同於父而諱之。昆弟者是父之兄弟，於已為伯叔正服期，父亦為之期，則是子與父同有諱也。世父叔父者是父之世父叔父，於已是從祖也。正服小功不合諱，以父為之諱，故已從父而諱姑者，謂父之姑也。於已為從祖姑在家正服小功，出嫁總麻不合諱。以父為之諱，故已從父而諱姊妹者，謂父之姊妹。於已為姑在家正服期，出嫁大功九月，是已與父同為之諱也。子與父同諱者，言此等之親子之與父同為之諱。又曰：云父為其親諱，則子不敢不從諱也。者謂父之王父母，世父叔父及姑等，於已小功已下不合諱，但父為之諱，故子不敢不從諱。其父之兄弟及姊妹已為合諱，不假從父而諱。鄭此注者，據已不合諱者而言之也。云：謂王父母已下之親，諱是謂士也。者此士者，謂父身也。以父身是士，故諱王父母若庶人子不逮事父母，則不諱王父母也。直云王父母以下足矣。復云：之親諱者。

父之世父叔父與姑等皆是王父所生今為之諱故云王父母以下之親諱也云天子諸侯諱庫祖母者以其天子七廟諸侯五廟故知諱庫祖母之諱宮中諱者謂母所為其親諱其子於一宮之中為諱而不言也妻之諱不舉諸其側者謂妻諸親之諱其夫不得稱舉其辭於其妻之側但不得在側言之則於宮中遠處得言之也與從祖昆弟同名則諱者謂母與妻二者之諱與已從祖昆弟名同則為之諱不但宮中旁側其在餘處皆諱之又曰云子與父同諱則子可盡曾祖之親也者父為王父諱於子則為曾祖父之伯叔及姑則是子曾祖之親故云子與父同諱則子可盡曾祖之親也前經所云是也云從祖兄弟在其中者從祖昆弟共同曾祖之親故云在其中云於父輕不為諱者從祖昆弟於父言之是父之同堂兄弟子也父服小功不為之諱已不得從父而諱若與母妻之親同名重則諱之重謂重累謂母妻諱與從祖兄弟名相重累則諱之不但為母妻而諱

若從祖昆弟身死亦為諱故云於父輕不為之諱與母妻之親同名重則諱之觀檢注意是為從祖昆弟諱而生文也

雜記

卒哭乃諱

敬鬼神之名也諱辟也生者不相辟名衛侯名惡大夫有名惡君臣

同名春秋不非禮不諱嫌名二名不偏諱

為其難辟也嫌名謂音聲相近若禹與雨

丘與區也偏謂二名不一一諱也孔子之母名徵在言在不稱徵言徵不稱在

逮事父母則諱

王父母不逮事父母則不諱王父母

逮及也謂幼孤不及識父母恩不至

於祖名孝子聞名心瞿諱之由心此謂庶人適士以上廟事祖雖不逮事父母猶諱祖

君所無私

諱

謂臣言於君前不辟家諱尊無二

大夫之所有公諱

辟君諱也

詩書不諱

臨文不諱

為其失事之正

廟中不諱

為有事於高祖則不諱曾祖以下尊無二也於下則

諱夫人之諱雖質君之前臣不諱也臣於夫人之家恩遠也質猶對也

婦諱不出門婦親遠於宮中言辟之大功小功不諱疏曰古人生

前猶以生事之則未諱至卒哭後服已受變神靈遷廟乃神事之敬鬼神之名故諱之諱避也生不相避名名以名質故言之不諱死則質藏言之則感動孝子故諱之也逮及也王父母謂祖父母也若及事父母則諱祖也何以然孝子聞名心懼祖是父之所諱則子不敢言既已終不言若父母已亡而已便心懼憶父母故諱之也

曲禮

大夫士諸父兄弟之喪既卒哭而歸詳見喪通禮居處條

公之喪大夫俟練士卒哭而歸同上小功既卒哭可

以冠取妻下殤之小功則不可大功卒哭可以冠子小功卒哭可以取妻下殤

小功齊衰之親除喪而後可為昏禮凡
冠者其時當冠則因喪而冠之

雜記

喪者不遺人

人遺之雖酒肉受也從父昆弟以下既卒哭遺人可也

言齊斬之喪重志不在施惠於人

同上

期之喪卒哭而從政

詳見通禮動作章

君既卒哭而服王事大夫士既卒哭升經帶金革之

事無辟也

同上

右卒哭 申繻曰周人以諱事神名終將諱之

既禮

卒哭以木鐸徇曰舍故而諱新謂舍親盡之祖而諱新死者故言以諱事神名終將諱之自父至高祖皆不敢斥言

桓

子夏曰三年之喪卒哭金

六年春秋左氏傳

革之事無辟者禮與孔子曰昔者魯公伯禽有為

為之也

詳見喪禮義

明日以其班祔

卒哭之明日也班次也喪服小記曰祔必以其昭穆亡則中一以上凡祔已復

于寢如既祔主反其廟練而後遷廟古文班或為辨辨氏姓或然今文為胖疏曰引喪服小記者彼解中猶

閒也一以上祖又祖孫祔祖為正若無祖則祔于高祖以其祔必以昭穆孫與祖昭穆同故間一以上取昭穆

相當者若婦則祔于夫之所祔之妾無則易牲祔女君也云凡妾祔亦祔于夫之所祔之妾無則易牲祔女君也云凡

祔已復于寢如既祔主反其廟者案曾子問云天子諸侯既祔祭主各反其廟今祔于廟祔已復于寢若大夫

士無木主以幣主其神天子諸侯有木主者以主祔祭訖主反于寢如祔祭訖主反廟相似故引為證也云練

欽定四庫全書

卷七

而後遷廟者案文二年穀梁傳曰作主壞廟有時日於練焉壞廟是練而遷廟引之者證練乃遷廟祔遷于寢若然唯祔祭與練祭祭在廟祭訖主反于寢其大祥與禫祭其主自然在寢祭之士虞記明日祔

于祖父

祭告於其祖之廟

其變而之吉祭也比至於祔必於是

日也接

詳見喪禮義而祔則三年都無事禮卒哭猶存朝夕哭若無

程子曰喪須三年而祔若卒哭

祭於殯宮則哭於何處古者君薨三年喪畢吉禘然後祔因其祫祧主藏於夾室新主遂自殯宮入于廟國語言日祭月享禮中宜有日祭之禮此正謂三年之中不徹几筵故有日祭朝夕之饋猶定省之禮如其親之存也至於祔祭須是三年喪終乃可祔也高氏喪禮曰案禮既虞卒哭明日祔于祖父此周制也若商人則以既練祭之明日祔故孔子曰周已戚吾從殷蓋期而神之人之情也若卒哭而遽祔于廟亦太早矣然唐開元

禮則既禪而祔夫孝子哀奉几筵至大祥而既徹之矣
宣可復俟禪祭乃始祔乎唐禮祥祭與禪祭隔兩月此
又失之於緩故今於大祥徹靈座之後則明日祔于廟
緣孝子之心不忍一日未有所歸也 朱文公先生曰
衆言淆亂則折諸聖孔子之言萬世不可易矣尚復何
說况暮而神之意揆之人情亦為允愜但其節文次
第今不可考而周禮則有儀禮之書自始死以至祥禫
其節文度數詳焉故溫公書儀雖記孔子之言而卒從
儀禮之制蓋其意謹於闕疑以為既不得其節文之詳
則雖孔子之言亦有所不敢從者矣程子之說意亦甚
善然鄭氏說凡祔已復于寢練而後遷廟左氏春秋傳
亦有特祀于主之文則是古人之祔固非遂徹几筵程
子於此恐其考之有所未詳也開元禮之說則高氏既
非之矣然其自說大祥徹靈座之後明日乃祔于廟以
為不忍一日未有所歸殊不知既徹之後未祔之前尚
有一夕其無所歸也久矣凡此皆有未安恐不若且從

欽定四庫全書

卷七

三

儀禮溫公之說次序節文亦自曲有精意如檀弓諸說可見

小宗伯既葬詔相喪

祭之禮

詳見喪大記虞條

大祝付練祥掌國事

付音附 疏曰付練祥掌

國事者祔謂虞卒哭後祔祭於祖廟練謂十三月小祥練祭祥謂二十五月大祥除衰杖此三者皆以國事大祝掌之故云掌

國事也

春官

凡主兄弟之喪雖疏亦虞之

喪事虞祔乃畢

疏曰經云虞而注連言祔者以祔與虞相近故連言之

詳見士虞禮婦之喪祔則舅主

之

婦謂凡適婦庶婦也 詳見士虞禮

主妾之喪則自祔至於練祥皆

使其子主之其殯祭不於正室

祔自為之者以其祭於祖廟 疏曰妾既卑賤

得主之者崔氏云謂女君死攝女君也則自祔者以其祔祭於祖姑尊祖故自祔廟也妾合祔于妾祖姑若無

妾祖姑則祔于女君可也其殯祭不于正室者雖攝女君猶不正適故殯之與祭不得在正室庾蔚云妾祖姑無廟為壇祭之鄭云於廟者崔氏云於廟中為壇祭之此謂攝女君若不攝女君之妾則不得為主則別為壇不在祖廟中而子

自主之也

雜記

姑姊妹其夫死而夫黨無兄弟使

夫之族人主喪妻之黨雖親弗主夫若無族矣則前後家東西家無有則里尹主之或曰主之而附於夫之黨

妻之黨自主之非也夫之黨其祖姑也疏曰或曰主之者或人之說云妻黨主之而祔祭之時在于夫之黨主之其義非

也雜記

沐浴櫛搔翦

彌自飾也搔當音爪今文曰沐浴搔翦或為搔櫛櫛

或為鬢疏曰彌自飾也者上文虞沐浴不櫛注云自潔清不櫛未在于飾鄭雖不言不在于飾沐浴少飾今

祔時櫛是彌自飾也士虞禮

凡喪小功以上非虞祔練祥無沐浴

詳見士

虞禮

祔杖不升於堂

哀益哀敬彌多也喪小記

卒哭而祔

祔而作主特祀於寢

詳見喪大記作主條卒哭章內有用尸三條此條通用當互考

用專膚為折俎取諸胹臠

專猶厚也折俎謂主婦以下俎也體盡人多折骨以

為之今以胹臠貶于純吉今文字為折俎而說以為所俎亦甚誣矣古文胹臠為頭噬也臠音益疏曰鄭

知折俎是主婦以下俎者特牲記云主婦俎穀折佐食俎穀折少牢云主婦俎臠折是也其他如饋

食如特牲饋食之事或云以左胖虞右胖祔今此如饋食則尸俎所俎皆有肩臂宜復用虞臂乎其不然明

矣疏曰如特牲饋食之事者知不如士虞饋食禮者虞不致爵則夫婦無俎矣上文有俎則祔時夫婦致爵

以祔時變麻服葛其辭稱孝夫婦致爵與特牲同故云如特牲饋食之事也或云以左胖虞右胖祔者當鄭君時有人解者云虞祭與祔祭共用一牲各用一胖以左胖為虞祭右胖為祔祭不是故鄭破之云今此經云如饋食謂如特牲饋食之禮尸俎用右胖解之主人俎左臂右胖之臂以為虞祭主人豈得復取虞時左胖之臂而用之乎明不然矣士虞記

喪大記虞條卒哭章內有庀人以下三條此章通用當互考上大夫祔太牢下大

夫祔少牢

詳見卒哭章

大夫祔於士士不祔於大夫附於

大夫之昆弟無昆弟則從其昭穆雖王父母在亦然

附依

注作祔音同昭常遙反附皆讀為祔大夫祔于士不敢以已尊自殊於其祖也士不祔于大夫自卑別於尊

者也大夫之昆弟謂為士者也從其昭穆中一以上祖
又祖而已附者附于先死者疏曰大夫附于士者謂
祖為士孫為大夫若死可以附祭於祖之為士者也士
不附于大夫者謂先祖為大夫孫為士不可附祭於大
夫唯得附於大夫之兄弟為士者無昆弟則從其昭穆
者謂祖為大夫無昆弟為士則從其昭穆謂附于高祖
為士者若高祖為大夫則附於高祖昆弟為士者雖王
父母在亦然者謂孫死之後應合附於王父王父見在
無可附亦如是附於高祖也附者附祭於神當從示旁
為之云云大夫之昆弟謂為士者也鄭恐經云附於大夫
之昆弟恐大夫之昆弟身作大夫士亦得附之故云大
夫昆弟為士者若大夫昆弟全無士者其孫雖士亦得
附之故前文云大夫附於士是孫之尊可以附祖之卑
也云從其昭穆中一以上祖又祖而已者謂父為昭子
為穆中猶間也謂自祖以上間一世各當昭穆而附之
若不得附祖則間去曾祖以上間一世附於高祖若高祖無可

祔則間高祖之父一世祔高祖之祖故云祖又
祖而已是中一以上喪服小記文也 雜記

婦附

於其夫之所附之妃無妃則亦從其昭穆之妃妾附於

妾祖姑無妾祖姑則亦從其昭穆之妾

夫所附之妃於婦則祖姑

曰無妃謂無祖姑則亦從其昭穆之妃謂亦間一以上祔于高祖之妃高祖無妃則亦祔於高祖之祖妃若其祖有昆弟之妃班爵同者則亦祔之 同上

男子附於王父則配女子附

於王母則不配

配謂并祭王母不配則不祭王父也有事於尊者可以及卑有事於卑者不敢

援尊配與不配祭饌如一祝辭異不言以某妃配某氏耳女子謂未嫁者嫁未三月而死猶歸葬於女氏之黨疏曰男子附于王父則配者謂祭王父并祭所配王母女子附於王母則不配者謂在室之女及已嫁未三

月而死祔祭於王母則不祭所配之王父注云配與不配祭饌如一祝辭異不言以某妃配某氏耳者案特牲禮不云配少牢禮云以某妃配但士用特牲大夫用少牢其餘皆同是祭饌如一案少牢云以其妃配某氏鄭注云某妃某妻也某氏若言姜氏子氏也此是言配也不言配者若特牲云用薦歲事於皇祖某子不云以某妃配特牲雖是常祭容是禋月吉祭故不舉配云嫁未三月而死猶歸葬於女氏之黨者曾子問文也同上

公子附於公子

不敢戚君 疏曰公子者若公子之祖為君公子不敢附之祔于祖之兄

弟為公子者不敢戚君故也 同上

士大夫不得祔於諸侯祔於諸祖

父之為士大夫者其妻祔於諸祖姑妾祔於妾祖姑亡

則中一以上而祔祔必以其昭穆

士大夫謂公子公孫為士大夫者不得祔

于諸侯卑別也既卒哭各就其先君為祖者兄弟之廟而祔之中猶間也疏曰禮孫死祔祖今祖為諸侯孫為士大夫而死則不得祔祖謂祖貴宜自卑遠之故也祔于諸祖父之為士大夫者諸祖疏謂祖之兄弟也既不得祔祖當祔祖之兄弟亦為大夫士者也其妻祔于諸祖姑者夫既不得祔祖故妻亦不得祔於祖姑而可以祔於諸祖姑也諸祖姑是夫之諸祖父兄弟為士大夫者之妻也若祖無兄弟可祔亦祔宗族之疏不為諸侯者也然上云士易牲祔於大夫而大夫不得易牲祔於諸侯者諸侯之貴絕宗故大夫士不得輕親也妾祔於妾祖姑者言妾死亦祔夫祖之妾也亡則中一以上而祔者亡無也中閒也若夫祖無妾則又閒曾祖而祔高祖之妾也凡祔必使昭穆同曾祖非夫同列也然此下云妾母不世祭於孫否則妾無廟今乃云祔及高祖者當為壇祔之耳小記

諸侯不得祔於天子天子諸侯大夫可

欽定四庫全書

卷七

七

以祔於士

人莫敢卑其祖也子者亦謂祔祭卑孫

疏曰諸侯不得祔於天子

諸侯大夫可以祔於士者祖雖賤而孫雖貴祔之不嫌也若不祔之則是自尊欲卑於祖也

小記婦

祔於祖姑祖姑有三人則祔於親者

謂舅之母死而又

者謂所生

疏曰祖姑有三人則祔於親者謂舅之母

有三人親者

謂舅之所生者言婦祔於姑則祔於舅之

所生者也

喪小記案張子曰祔葬祔祭極至理而

論只合祔一人夫婦之道當其初婚未嘗約再配是夫

只合一娶婦只是合一嫁今婦人夫死而不可再嫁如

天地之大義夫豈得而再娶然以重者計之養親承家

祭祀繼續不可無也故有再娶之理然其葬其祔雖為

同穴同筵几然譬之人情一室中宜容二妻以義斷之

須祔以首娶繼室別為一所可也

或問朱先生曰頃看程氏祭儀謂凡配止用正妻一人或奉祀之人是再

娶所生即以所生配謂凡配上用正妻一人是也若再娶者無子或祔祭別位亦可也若奉祀者是再娶之子乃許用所生配而正妻無子遂不得配享可乎先生曰程先生此說恐誤唐會要中有論凡配適母無先後皆當並祔合祭與古者諸侯之禮不同又曰夫婦之義如乾大坤至自有差等故方其生存夫得有妻有妾而妻之所夫不容有二況於死而配祔又非生存之比橫渠之說似亦言之有太過也只合從唐人所議為允況又有前妻無子後妻有子之礙其勢將有所抗拒而不安者唯葬則令人夫婦未必皆合葬繼室別營兆域宜亦可矣今案喪服小記云婦祔於祖姑祖姑有三人則祔於親者祖姑有二人皆得祔於廟則其中必有再娶者則再娶之妻自可祔廟程子張子特考之不詳耳朱先生所辨正合禮經也

其妻為大

夫而卒而后其夫不為大夫而祔於其妻則不易姓妻

卒而后夫為大夫而祔於其妻則以大夫牲

妻為大夫夫為大夫

時卒不易牲也此謂始來仕無廟者無廟者不祔宗子去國乃以廟從疏曰其妻為大夫而卒者謂夫為大

夫時而妻死者也而后其夫不為大夫者謂妻死後夫或黜退不復為大夫而死也而祔於其妻則不易牲者

謂夫既不為大夫死若祔祭此妻但依夫令所得用之牲不得易用昔大夫時牲妻卒而後夫為大夫而祔於

其妻則以大夫牲者此謂妻死時夫未得為大夫也妻死後夫乃得為大夫今既祔祭其妻則得用大夫牲妻

從夫之禮故也注云此謂始來仕無廟者若其有廟則死者當祔於祖不得祔於其妻今夫死祔於其妻故知

是無廟者若其宗子去他國乃以廟從則祔於祖矣小記

士祔於大夫則易牲

不敢以卑牲祭尊也大夫少牢也疏曰謂祖為大夫孫為士孫死祔祖則用大夫牲不敢用士牲士牲卑不可祭

於尊者之前也祭殤與無後者不云易牲而此云易牲者前是宗子家為祭不得同如宗子之禮故殤及無後者依亡人之貴賤禮供之此是士卑許進用大夫牲故曰易牲然賤不祔貴而此云士祔大夫者謂無士可祔則不得不祔於大夫猶如妾無妾祖姑易牲而祔於女君可也若有士則當祔於士故雜記云士不祔於大夫謂先祖兄弟有為士者當祔於士不得祔於大夫也 同上

妾無妾祖姑者易牲

而祔於女君可也

女君適祖姑也易牲而祔則凡妾下女君一等 疏曰妾當祔於妾祖姑

若無妾祖姑當祔於高祖妾祖姑故前文云亡則中一以上今又無高祖妾祖姑則當易妾之牲用女君之牲祔於女君可也注鄭恐女君是見在之女君故云女君適祖姑也妾與女君牲牢無文既云易牲故云下女君一等下女君一等者若女君少牢妾則特牲若女君特牲妾則特豚也 同上

王父死未練

祥而孫又死猶是附於王父也

未練祥嫌未祫祭序於昭穆爾王父既附則孫

可附焉猶當為由由用也附皆當作祔疏曰禮孫死祔祖今此明若祖喪雖未二祥而孫死則孫亦得用是

祔禮祔於祖也注禮祔在練前若祔後未練之前則得祔直云未練足矣兼言祥者案文二年穀梁傳云作主

壞廟有時日於練焉壞廟壞廟之道易擔可也改塗可也注云親過高祖則毀其廟以次而遷將納新神故示

有所加以此言之則練時壞祖與高祖之廟改塗易擔示有壞意其以先祖入於太祖之廟其祖祔入高祖廟

其新死者入祖廟是練時遷廟也三年喪畢祫於太祖廟是祥後祫也故云未練祥嫌未祫祭序於昭穆爾兼

言祥者恐未祫故也故練祥兼言但祖祔祭之後即得祔新死之孫故云王父既祔則孫可祔焉然王父雖祔

未練無廟孫得祔於祖其孫就王父所祔祖廟之中而祔祭王父焉

雜記

庶子不祭殤

與無後者殤與無後者從祖祔食

不祭殤者父之庶也
不祭無後者祖之庶

也此二者當從祖祔食而已不祭祖無所食之也共其
牲物而宗子主其禮焉祖庶之殤則自祭之凡所祭殤
者唯適子耳無後者謂昆弟諸父也宗子之諸父無後
者為殤祭之疏曰殤與無後者從祖祔食者解庶所
以不自祭義也已不得祭父祖而以此諸親皆各從其
祖祔食祖廟在宗子之家故已不得自祭之也小記

曾子問曰女未廟見而死則如之何孔子曰不遷於

祖不祔於皇姑

詳見變
禮昏條

有父母之喪尚功衰而祔昆

弟之殤則練冠祔於殤稱陽童某甫不名神也

此兄弟
之殤謂

大功親以下之殤也斬衰齊衰之喪練皆受以大功之
衰此謂之功衰以是時而祔大功親以下之殤大功親

欽定四庫全書

卷七

以下之殤輕不易服冠而兄為殤謂同年者也兄十九而死已明年因喪而冠陽童謂庶殤也宗子則曰陰童童未成人之稱也某甫且字也尊神不名為之造字疏曰知大功親以下之殤也若大功正服則變三年之練此著練冠故知大功親以下之殤也若成人合服大功其長殤小功若成人小功其長殤則緦麻皆得著此三年練冠為之祔故云大功親以下之殤言以下兼小功也已足祖之適孫若祔大功兄弟長殤得在祖廟若小功兄弟長殤則是祖之兄弟之後當祔於從祖之廟其小功兄弟身及父是庶人不合立祖廟則曾祖適孫為之立壇祔小功兄弟之長殤於從祖立神而祭也皇氏云小功兄弟為士從祖為大夫士不可祔於大夫當祔於大功親以下從祖為士故祔小功兄弟長殤於已祖廟義亦得通云大功親以下之殤輕不易服者案服問大功殤長中變三年之葛得易首經腰帶不得易服故此祔祭著練冠也云冠而兄為殤謂同年者也者此

鄭自難云弟冠而兄得為殤者謂弟與兄同年十九也云兄十九而死已明年因喪而冠者此新死之兄既是小功之服不合變三年之練而得有因喪冠者謂已明年之初用父母喪之練節而加冠以後始祔兄弟也云陽童謂庶殤也宗子則曰陰童童未成人之稱也者曾子問庶子之殤祭於室白故曰陽童宗子殤死祭於室輿則曰陰童云某甫且字也者檀弓云五十以伯仲是正字二十之時曰某甫是且字言且為之立字云尊神不名為之造字者以字者冠時所有此兄去年已死未得有字雖云某甫是死後祔時為之造字必造字者以神道事之不可觸名故也

雜記

曰孝子某孝顯相夙興夜處小心

畏忌不惰其身不寧

稱孝者吉祭 疏曰對虞時稱哀案檀弓虞為喪祭卒哭為吉祭卒

哭既為吉祭祔在卒哭後亦是吉祭故鄭以吉祭言之也

用尹祭

尹祭脯也大夫士祭無云脯者今不

欽定四庫全書

卷七

言牲號而云尹祭亦記者誤矣疏曰鄭知尹祭是脯者下曲禮云脯曰尹祭故知也但曲禮所云是天子諸侯禮用脯案特牲少牢無云用脯者故云大夫士祭無云脯者唯上餞尸有脯此非餞尸今不言牲號而云尹祭亦記者誤也以其上文初虞云敢用潔牲剛鬣今不言牲號而云尹祭是記人誤云亦者亦上文香合也

嘉薦普淖普薦漶酒

普薦釧羹不稱牲記其異者今文漶為醢疏曰知普薦是釧羹者

案上文虞禮及特牲皆云祝酌奠於釧南則釧在酒前而設此亦普薦在酒上故知也但虞禮一釧此云饋食則與特牲同二釧故云普薦也云不稱牲記其異者對與初虞之等稱牲但記其異雖不說牲之號有號可知也若然云記其異者所以嘉薦普淖普薦漶酒與前不異記之以其普薦與前異將言設薦在普淖後漶酒前故并言適爾皇祖某甫以膺祔爾孫某甫尚饗欲其祔其次矣

之曾子問曰天子崩國君薨則祝取羣廟之主而藏諸祖廟禮也卒哭成事而後主各反其廟然則士之皇祖於卒哭亦反其廟無主則反廟之禮未聞以其幣告之乎疏曰欲其祔合兩告之者欲使死者祔於皇祖又使皇祖與死者合食故須兩告之是以告死者曰適爾皇祖某甫謂皇祖曰濟祔爾孫某甫二者俱饗是其兩告也引曾子問者案彼鄭注云象有凶事者聚也云卒哭成事而後主各反其廟者至祔須得祖之木主以孫祔祭故也天子諸侯有木主可言聚與反廟之事大夫無木主聚而反之故云無主則反廟之禮未聞云以其幣告之乎者曾子問云無遷主將行以幣帛為主命此大夫士或用幣以依神而告使聚之無正文故云乎以疑之士虞禮記卒哭條有祭稱孝子孝孫脯曰尹祭兩條此條通用當互考案卒哭有饗辭此祔禮既有尸則勤尸亦各有饗詞今案卒哭饗辭注云祔及練祥不同但改哀為孝耳則其詞宜云孝子某圭為而薦

之饗記所見
于此練祥同

父母之喪偕先葬者不虞祔待後事

詳見

喪變禮並有喪服變除並有喪變服

祔練曰告

此致祭祀

之餘於君子也攝主言致福中其辭也自祭言膳謙也祔練言告不敢以為福膳也

疏曰以祭昨告君子使

知己祔祥而已
少儀

朋友虞祔而已

喪服小記諸侯喪通禮主後條

朋

友虞祔而退

雜記詳見弔禮會葬條

右祔

殷練而祔周卒哭而祔孔子善殷

期而神之人情

檀弓

君氏卒不祔于姑

詳見喪大記命赴條

碁而小祥

小祥祭名祥祭也檀弓曰歸祥肉古文林皆作碁疏曰自祔以後至十三月小祥故云

暮而小祥引檀弓者彼謂顏回之喪饋祥肉於孔子彼云饋此云歸者饋即歸也故變文言之引之者證小祥是祭故有肉也
士虞記 期而練 詳見喪服義 十三月而練 同上 期

之喪十一月而練十三月而祥十五日而禫 此謂父在為母也

雜記 凡卜筮日喪事先遠日 詳見士喪禮卜葬條 練筮

日筮尸視濯皆要經杖繩屨有司告具而后去杖筮日

筮尸有司告事畢而后杖拜送賓 詳見喪服變除練條 大祝練

掌國事 詳見附條 大功者主人之喪有三年者則必為之

再祭 詳見喪通禮主後章 主妾之喪則練使其子主之

詳見喪通禮主後章

詳見附章

五廟之孫祖廟未毀雖為庶人練則告

詳見士喪禮命

赴條

凡喪小功以上非練無沐浴

詳見附章

練而慨然

詳見

喪通禮哀戚條

期而祭禮也期而除喪道也祭不為除喪也

詳見變除練除服條

練主用栗

詳見喪大記作主條

吉主於練

同上

作

主壞廟有時日於練焉壞廟壞廟之道易檐可也改塗

可也

壞音怪檐以占反三年喪終而傳連言之者此主終入廟入廟即易

疏曰作主在十三月壞廟在

檐以事相繼故連言之非謂作主壞廟同時也或以為練而作主之時則易檐改塗故此傳云於練壞廟於傳

文雖順舊說不然故不從之直記異同耳梁傳文二年殺作主之說已見喪大記作主條又案張子曰祔

與遷自是兩事祔者奉新死者之主而告新死者以將遷于此廟也既告則復新死者之主於寢而祖亦未遷比至于練乃遷其祖入他廟或夾室而遷新死者之主于其廟今案橫渠之說如此鄭注亦然既因練而遷則必易檐改塗而後遷此疏乃謂壞廟在三年則失之矣但練雖遷主于廟祭訖復反主于寢詳見祔章明日以其班祔注文當考卒哭章祭成喪者必有尸以下二條又庖人以下至祭以大又祭稱孝子孝孫並此條通用當

曰薦此常事

祝辭之異者言常者期而祭禮也古文常為祥疏曰注云祝

辭之異者謂小祥辭與虞祔之辭有異異者以虞祔之祭非常一期天氣變易孝子思之而祭是其常事故祝辭異也云朞而祭禮也者喪服小記文案彼云期而祭禮也期而除喪道也祭不為除喪也注云此謂練祭也禮正月存親親亡至今而期期則宜祭期天道一變哀惻之情益衰衰則宜除不相為也是以謂小祥祭為常

事也士虞記 祔條饗辭此條所通用詳見祔禮經當互考

自諸侯達諸士小祥

之祭主人之酢也齊之衆賓兄弟則皆啐之大祥主人

啐之衆賓兄弟皆飲之可也

齊啐皆嘗也齊至齒啐入口疏曰主人之酢者齊

之者謂正祭之後主人獻賓長賓長酢主人主人受賓長酢則齊之也衆賓兄弟則皆啐之者亦謂衆賓及兄弟祭未受獻之時啐之也以其差輕故也大祥主人啐之者謂主人受賓酢之時主人啐之衆賓兄弟皆飲之可也必知此主人之酢非受尸酢者以士虞禮主人主婦獻尸受酢之時皆卒爵虞祭比小祥為重尚卒爵今大祥祭主人受尸之酢何得惟齊之而已故知受賓酢也受尸酢神惠為重雖在喪亦卒爵賓禮為輕受賓之酢但齊之知喪祭有受賓酢者鄭注曾子問云虞不致爵小祥不旅酬大祥無筭爵故知大祥之祭旅酬之前

皆為之也

雜記

大夫士父母之喪既練而歸朔月忌日則

歸哭于宗室

詳見通禮居處條

婦人喪父母既練而歸

同上

公之喪大夫俟練士卒哭而歸

同上

既練舍外寢始食

菜果飯素食哭無時

詳見喪服斬衰章

既練居堊室不與人

居君謀國政大夫士謀家事

詳見通禮居處動作條

期而小祥

居堊室寢有席

詳見通禮居處條

三年之喪練不羣立不旅

行

詳見變禮吊條

三年之喪雖功衰不弔

同上

如三年之喪

則既顙其練祥皆行

詳見變除並有喪變服條

父母之喪將祭而

昆弟死既殯而祭如同宮則雖臣妾葬而后祭祭主人

之升降散等執事亦散等雖虞祔亦然

將祭謂練祭也言若同宮則是

昆弟異宮也古者昆弟異居同財有東宮有西宮有南宮有北宮有父母之喪當在殯宮而在異宮者疾病或歸者主人適子散等栗階為新喪畧威儀疏曰將祭謂將行大小祥祭也而昆弟死既殯而祭者若將祭而有兄弟死則待殯後乃祭也今不待葬後者兄弟輕故始殯後便可行吉祭也如同宮則雖臣妾葬而後祭者兄弟既殯後而行父母之祭謂異宮者耳若同宮雖臣妾之輕卑死猶待葬後乃行父母祭也所以爾者吉凶不相干故喪服傳云有死於宮中者則為之三月不舉祭庾氏云小祥之祭已涉于吉尸柩至凶故不可以相干其虞祔則得為之矣若喪柩即去者則亦祭不待于三月可知矣祭主人之升降散等者祭猶謂二祥祭散

栗也等階也吉祭則涉級聚足喪祭則栗階故云散等也如此祥祭宜涉級於時為有兄弟喪故少威儀作散等也執事者亦散等者助執祭者亦栗階也雖虞祔亦然者謂主人至昆弟虞祔而行父母二祥祭而執事者亦散等

雜記此條

君之喪服除而後殷祭禮也

詳見喪變禮並有喪條

三年而后葬者必再祭其祭之間不同

時而除喪

再祭練祥也間不同時者當異月也既祔明月練而祭又明月祥而祭必異月者以葬與

練祥本異歲宜異時也已祥則除不禫

詳見變

禮久不葬服條 殷祭以下二條大祥通用

祔練曰告

詳見祔條

右練

祔章有殷練而祔此章通用當互考

曾子問曰祭如之何則

不行旅酬之事矣孔子曰聞之小祥者主人練祭

而不旅奠酬於賓賓弗舉禮也

奠無尸虞不致爵小祥不旅酬大祥

無無筭爵彌吉

昔者魯昭公練而舉酬行旅非禮也孝公

大祥奠酬弗舉亦非禮也

疏曰練小祥祭也旅謂旅酬故奠無尸虞不致

爵至小祥彌吉但得致爵於賓而不得行旅酬之事大祥乃得行旅酬而不得行無筭爵之事也此皆謂喪事簡畧於禮未備故也案士虞禮云男男尸女女尸禮弓云虞而立尸是虞時始立尸故云奠無尸奠所以無尸者奠是未葬之前形體尚在未忍立尸異於生故未立尸虞是既葬之後形體已去鬼神事之故立尸以象神也又案特牲云祝延尸於奧尸即席坐主人拜妥尸尸答拜尸左執

解右取菹梗于醯祭于豆間佐食取黍稷肺祭授尸尸祭之祭酒啐酒祭鉶乃食九飯主人洗角升酌醕尸尸卒爵祝酌授尸尸以酢主人主人卒爵筵祝南面主人酌獻祝祝受卒爵主人酌獻佐食佐食受卒爵此是主人之獻也特牲又云主婦洗爵獻尸尸卒爵尸酢主婦主婦卒爵主婦酌獻祝祝卒爵酌獻佐食佐食卒爵此是主婦之獻也賓三獻獻于尸尸三爵止注云尸止爵者三獻禮成欲神惠之均于室中云虞不致爵者案士虞禮賓三獻尸尸卒爵禮畢無致爵以下之事所謂虞不致爵也案特牲又云尸止爵之後席于戶內主婦洗爵酌致爵于主人主人拜受爵主婦拜送爵主人卒爵拜主婦答拜受爵酌酢左執爵拜主人答拜主人降洗爵致爵于主婦席于房中南面主婦拜受爵主人西面答拜主婦卒爵拜主人答拜主人更爵酢卒爵拜主婦答拜所謂致爵也三獻之

賓作尸所止爵尸飲卒爵酢賓賓飲卒爵獻祝及
佐食致爵于主人主婦畢主人降阼階升酌西階
上獻賓及衆賓訖主人洗觶于西階前北面酬賓
訖主人洗爵于阼階上獻長兄弟及衆兄弟及內
兄弟于房中獻畢賓乃坐取主人所酬之觶於阼
階前酬長兄弟長兄弟受觶於西階前酬衆賓衆
賓酬衆兄弟所謂旅酬也云小祥不旅酬者賓不
舉主人所酬之觶不行旅酬之事所謂小祥不旅
酬謂奠酬于主人主人酬于賓賓不舉也旅酬之
後賓弟子兄弟弟子各酌于其尊舉觶各于其長
賓取觶酬兄弟之黨長兄弟取觶酬賓之黨所謂
無算爵也云大祥無無算爵彌吉者大祥乃得行
旅酬而不得行此無算爵之事故云大祥無無算
爵以其漸漸備禮故云彌吉仍未純吉也昔者魯
昭公練而舉酬行旅非禮也者練祭但得致爵於
賓賓不合舉此爵而行旅酬令昭公行之故曰非

禮也大祥彌吉應行旅酬今孝公不然亦曰非禮曾子問

又暮而大祥

又復也大祥祭故云復暮也

疏曰此謂二十五月

父母之

喪三年而祥

詳見喪服義

三年之喪二十五月而畢

同上

期之喪十三月而祥

雜記練章有喪事先遠日一條此條所用當互考

大

祝祥掌國事

詳見祝條

五廟之孫祖廟未毀雖為庶人祥

必告

詳見練條

主妾之喪則自附至於祥使其子主之

詳見

祔條

練章有大功者主人之喪為之再祭此條通用當互考

非祥無沐浴

詳見祔條

哭章內有祭成喪者必有尸下二條庖人圉人籩人及祭從生者下三條祭稱孝子孝孫一條皆大祥所通用

當考 曰薦此祥事

變言祥事亦是常事也

士虞記

當互考

自諸侯達諸士大祥主人啐之衆賓兄弟皆飲

之可也

詳見練章

如三年之喪則既顙其練祥皆行

詳見練章

練章有父母之喪將祭又君之喪服除而后殷祭又三年而后葬者必再祭三條皆大祥所通用當互考

祥而廓然

詳見通禮哀戚條

既祥黝塋

詳見通禮居處條

又期

而大祥有醯醬居復寢素縞麻衣

詳見變除

祥而外無哭

者禫而內無哭者樂作矣故也

外無哭者於門外不哭也內無哭者入門不哭

也禫踰月而可作樂樂作無哭者疏曰祥大祥也外中門外即壘室中也祥之日鼓素琴故中門外不哭也

內中門內也禫已縣八音於庭故門內不復哭也樂作矣故也者二處兩時不哭是並有樂作故也喪大記

祥之日鼓素琴

詳見喪服義

喪復常讀樂章

疏曰謂大祥除服之

後也樂章謂樂書之篇章謂詩也

曲禮

三年之喪祥而從政

詳見通禮動作條

曾子曰廢喪服可以與於饋奠之事乎孔子曰說衰

與奠非禮也以擯相可也

詳見變禮祭條

右大祥 孝公大祥奠酬弗舉亦非禮也

詳見練章

孔子既祥五日彈琴而不成聲

哀未忘也

十日而成笙

歌

踰月且異旬也祥亦凶事用遠日五日彈琴十日笙歌除由外也琴以手笙歌以氣

日而成笙歌者上云彈琴而不成聲此云十日而
成笙歌之聲音曲諧和也先彈琴後笙歌者由彈
以手手是形之外故曰除由外也祥是凶事用遠
日故十日得踰月若其卜遠不吉則用近日雖祥
後十日亦不成笙歌以
其未踰月也 檀弓

子夏既除喪而見
子之琴和之而不和彈之而不成聲
樂由人心作而曰

哀未忘也先王制禮而弗敢過也
起作子張既除喪

而見予之琴和之而和彈之而成聲作而曰先王

制禮不敢不至焉

雖情異善其俱順禮 疏曰案家語及詩傳皆言子夏喪畢夫

子與琴援琴而絃行行而樂聞子騫喪畢夫子與
琴援琴而絃切切而哀與此不同者當以家語及

詩傳為正知者以子夏喪親無異聞焉能彈琴而不成聲而閔子騫至孝之人故孔子善之云孝哉閔子騫家語詩傳云援琴而絃切切而哀以為正也熊氏以為子夏居父母之喪異故不同也同

上

魯人有朝祥而莫歌者子路笑之

笑其為樂速

夫

子曰由爾責於人終無已夫三年之喪亦已久矣

夫

為當時如此人行三年喪者希抑子路以善彼

子路出夫子曰又多乎

哉踰月則其善也

又復也大祥歌哭不同日故仲由笑之

疏曰祥謂二十五月

也然祥日得鼓素琴也時人皆廢而此獨能行何須笑之案喪服四制喪之日鼓素琴不譏彈琴而譏歌者琴以手笙歌以氣手在外而遠氣在內而近也同上

顏淵之喪饋祥

肉饋遺也

孔子出受之入彈琴而後食之

彈琴以散哀也同

上

中月而禪

禪大感反一月自喪至此凡二十七

禪猶間也禪祭名也與大祥間

禪之言澹澹然

禪祭名也與大祥間禪之言澹澹然

平安意也

古文禪或為導

猶間間側之閒下同

疏

曰知與大祥間

一月二十七

禪徒月樂二十八

復

平常正作樂也

云禪之言澹澹然

平常意也者禪月得

無所不佩又於禪月將鄉吉祭又得樂懸故云平安意

也但至後月乃是即吉之正也

士虞記

檀弓疏云

其祥禪之月先儒不同王肅以二十五月大祥其月為

禪二十六月作樂所以然者以下云祥而縞是月禪徒

月樂又與上文魯人朝祥而莫歌孔子云踰月則其善

是皆祥之後月作樂也

又閒傳云三年之喪二十五

月

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

而畢又士虞禮中月而禪是祥月之中也與尚書文王

中身享國謂身之中間同又文公二年冬公子遂如齊
納幣是僖公之喪至此二十六月而左氏云納幣禮也
故王肅以二十五月禫除喪畢而鄭康成則二十五
大祥二十七月而禫二十八月而作樂復平常鄭必
為二十七月禫者以雜記云父在為母為妻十三月
祥十五月禫為母為妻尚祥禫異月豈容三年之喪
乃祥禫同月若以父在為母屈而不申故延禫月其
為妻當亦不申祥禫異月乎若以中月而禫為月之
中間應云月中而禫何以言中月乎案喪服小記云
妾祔於妾祖姑亡則中一以上而祔又學記云中年
考校皆以中為間謂間隔一年故以中月為間隔一
月也下云祥而縞是月禫徙月樂是也謂大祥者縞冠
是月禫謂是此禫月而禫二者各自為義事不相干
故論語云子於是日哭則不歌文無所繼亦云是日
文公二年公子遂如齊納幣者鄭箴膏肓僖公母成
風主婚得權時之禮若公羊猶譏其喪娶其魯人朝
祥而莫歌及喪服四制云

祥之日鼓素琴及夫子五日彈琴不成聲十日成笙歌并此獻子禪縣之屬皆據省樂忘哀非正樂也其八音之樂工人所奏必待二十八月也即此下文是月禪徙月樂是也其朝祥莫歌非正樂歌是樂之細別亦得稱樂故鄭云笑其為樂速也其三年問云三年之喪二十五月而畢據喪事終除衰去杖其餘哀未盡故更延兩月非喪之正也王肅難鄭云若以二十七月禪其歲末遭喪則出入四年喪服小記何以云再期之喪三年如王肅此難則為母十五月而禪出入三年小記何以云期之喪二年明小記所云據喪之大斷也又肅以月中而禪案曲禮喪事先遠日則大祥當在下旬禪祭又在祥後何得云中月而禪又禪後何以容吉祭故鄭云二十七月也戴德喪服變除禮二十五月大祥二十七月而禪故鄭依而用焉鄭以二十八月樂作喪大記何以云禪而內無哭者樂作矣似禪後許作樂者大記所謂禪後方將作樂釋其內無哭者之意非謂即作樂大記

又云禪而後御吉祭而復寢間傳何以云大祥居復寢
間傳所云者去墜室復殯宮之寢大記云禪而從御謂
禪後得御婦人必待吉祭然後復寢其吉祭者是禪月
值四時而吉祭外而為之其祝辭猶不稱以某妃配故
士虞禮云吉祭猶未配今案疏文所辨禪祭月日正
讀禮者所當考元繫於孟獻子縣而不樂之下今移於
此庶學者易
於檢尋也

為父母妻長子禪

自所為禪者也疏曰此一經鄭云自所

為禪者此一人而已然慈母亦宜禪也而下有庶子在
父之室為其母不禪則在父室為慈母亦不禪也故不
言之妻為夫亦禪也
但記文不具小記

庶子在父之室則為其母不禪

妾子父在厭也
同上

宗子母在為妻禪

宗子之妻尊也疏曰此一節論宗子妻

尊得為妻仲禪之事宗子為百世不遷之宗賀瑒云父
在適子為妻不杖不杖則不禪若父沒母存則為妻得

杖又得禪凡適子皆然嫵畏宗子尊厭其妻故特云宗子母在為妻禪宗子尚然則其餘適子母在為妻禪可知賀循云出居廬論稱杖者必廬廬者必禪此明杖章尋常之禮謂杖章之內居廬必禪若別而言之則杖有不禪禪有不杖者案小記篇云宗子母在為妻禪則有非宗子其餘適庶母在為妻並不得禪也小記又云父在為妻以杖即位鄭玄云庶子為妻然父在為妻猶有其杖則父沒母存有杖可知此是杖有不禪者也小記又云庶子在父之室則為其母不禪若其不杖則喪服不杖之條應有庶子為母不杖之文今無其文則猶杖可知也前文云三年而后葬者但有練祥而無禪是有杖無禪此二條是杖而不禪賀循又云婦人尊微不奪正服並厭其餘哀如賀循此論則母皆厭其適子庶子不得為妻杖也故宗子妻尊母所不厭故特明得禪也

上

同

期之喪十五月而禪

詳見前練條卒哭章內有天子諸侯之喪不斬衰

者不與祭一條祭成喪者必有尸下二條庖人圉人籩人及祭從生者以下二條祭稱孝子孝孫一條又祔章饗辭皆此條通用當互考

中月而禪禪而飲醴酒始飲酒者先飲

醴酒始食肉者先食乾肉

先飲醴酒食乾肉者不忍發御厚味

禪

而牀

同上

禪而從御吉祭而復寢

從御御婦人也復寢不復宿殯宮也

疏

曰吉祭而復寢者謂禪祭之後同月之內值吉祭之節行吉祭訖而復寢若不當四時吉祭則踰月吉祭乃復寢故士虞記云中月禪是月也吉祭猶未配注云是月是禪月也當四時之祭月則祭也亦不待踰月故熊氏云不當四時祭月則待踰月也案閒傳既祥復寢與此吉祭復寢不同者彼謂不復宿中門外復於殯宮之寢此吉祭後不復宿殯宮復於平常之寢文雖同義別故此注不復宿殯宮也明大祥後宿殯宮也喪大記

禪而內

無哭者樂作矣故也

詳見前祥條

是月禫徒月樂

言禫明月可以用樂

疏曰是月禫徒月樂者鄭志曰既禫徒月而樂作禮之正也孔子五日彈琴自省樂哀未忘耳踰月可以歌皆自身踰月所為也既禫始得備樂而在心猶未忘哀殺有漸是以樂亦隨之也

檀弓

右禫

孟獻子禫縣而不樂比御而不入

可以御婦人矣

尚不復寢孟獻子魯大夫仲孫蔑

夫子曰獻子加於人一等矣

猶加

踰也疏曰此一節論獻子除喪作樂得禮之宜也依禮禫祭暫縣省樂而不恒作也至二十八月乃始作樂又依禮禫後吉祭乃始復寢當時人禫祭之後則恒作樂未至吉祭而復寢今孟獻子既禫暫縣省樂而不恒作可以御婦人而不入寢雖於禮是常而特異餘人故夫子善之云獻子加於

人一等矣

檀弓

是月也吉祭猶未配

是月是禫月也當四時之祭月則祭猶未以某妃配某氏哀未忘也

少牢饋食禮祝曰孝孫某敢用柔毛剛鬣嘉薦普淖用薦歲事于皇祖伯某以某妃配某氏尚饗某妃豐

非反又音配

疏曰謂是禫月禫祭仍在寢此月當四

時吉祭之月則于廟行四時之祭而猶未得以某妃配

哀未忘若喪中然也言猶者如祥祭以前不以妃配也

案禮記云吉事先近日喪事先遠日則大祥之祭仍從

喪事先用遠日下句為之故檀弓云孔子既祥五日彈

琴而不成聲十日而成笙歌注踰月且異旬也祥亦凶

事先遠日案此禫言澹然平安得行四時之祭則可從

吉事先近日用上旬為之若然二十七月上旬行禫祭

於寢當祭月即從四時祭於廟亦用上旬為之引少牢

禮者證禫月吉祭未配後月吉如少牢配可知也士

禮虞

吉祭而復寢

詳見禪條

右吉祭 僖八年秋七月禘于大廟用致夫人三

年大祭之名大廟周公廟致者致新死之主於廟而列之昭穆夫人注而與殺不薨於寢於禮不應致故僖公疑其禮歷三禘令果行之 秋禘而致

嫌異常故書之

殺音試

春秋

哀姜焉非禮也凡夫人不薨于寢不殯于廟不赴

于同不祔于姑則弗致也

寢小寢同同盟將葬又不以殯過廟據經哀姜

薨葬之文則為殯廟赴同祔姑今當以不薨于寢不得致也

左氏傳 閔二年夏五

月乙酉吉禘于莊公

三年喪畢致新死者之主於廟廟之遠主當遷入祧因是

大祭以審昭穆謂之禘莊公喪制未闕時別立廟
廟成而吉祭又不于大廟故詳書以示識 闕告

穴反
春秋

夏吉禘于莊公速也

左氏傳

其言吉何

據禘于大廟不言吉

言吉者未可以吉也

都未可以吉祭經
舉重不書禘于大

廟妣獨莊公不當禘于太廟可
禘者故加吉明天廟皆不當

曷為未可以吉未

三年也

禮禘祫從先君數朝聘從今君數三年喪
畢遭禘則禘遭祫則祫 數所主反祫音

洽
三年矣曷為謂之未三年三年之喪實以二十

五月

時莊公薨至是適二十二月所以必二十五
月者取期再期恩倍漸三年也孔子曰子生

三年然後免于父母之懷夫三年之喪天下之道
喪禮士虞記曰期而小祥曰薦此常事又期而大

祥曰薦此祥事申月而禪是月也吉祭猶未配是月者二十七月也傳言二十五月者在二十五月外可其言于莊公何據禘于大廟不言周公祫僖公不言僖公未可以

稱宮廟也曷為未可以稱宮廟在三年之中矣當思

慕悲哀未可以鬼神事之吉禘于莊公何以書譏何譏爾譏始

不三年也與託始同義云春秋之義常事不書有善惡者乃始

錄而美刺之今既已舉重特書于莊公不書於大廟則嫌莊公一廟獨不當禘大廟便可禘矣然莊公卑於始祖而言舉重者言三年之內非吉祭之時莊公最不宜吉故言舉重不謂莊公尊于始祖也公

羊傳

吉禘于莊公

三年喪畢致新死者之主於廟廟之遠主當遷入太

祖之廟因是大祭以審昭穆謂之禘莊公喪制未
闕時別立廟廟成而吉祭又不於太廟故詳書以
示
吉禘者不吉者也喪事未畢而舉吉祭故非之

也

禘徒帝反 莊公薨至此方二十二月喪未畢
疏曰言禘於莊公即是莊公立宮而不稱宮

者莊公廟雖立訖而公服未除至此始二十二月
未滿三年故不得稱宮也此喪服未終舉吉以非
之文二年亦喪服未終而大事於大廟不言吉者
其譏已明故不復云吉言大事者秋禘而物成其
祀大故傳云大是事也著祫嘗是也凡祭祀之禮書
者皆譏故范畧例云祭祀例有九皆書月以示譏
九者謂桓有二烝一嘗揔三也閏吉禘四也僖禘
大廟五也文著祫嘗六也宣公有事七也昭公禘
武宮八也定公從祀九也知禘是三年喪畢之祭
者此莊公薨來二十二月仍書吉以譏之明三年

喪畢方得為也。知必於大廟者，明堂位曰：季夏六月，以禘禮祀周公於大廟，是也。其禘祀之月，王肅杜預之徒皆以二十五月除喪，即得行禘祭。鄭玄則以二十八月始服吉，嘗即禘於大廟。明年春始禘于羣廟，今范云三年喪畢，禘于大廟，必不得與明年春禘于羣廟同。其除喪之月，或與鄭合，故何休注公羊亦以除喪在二十七月之後也。方者，未至之辭。此實二十二月而云方者，莊公以三十二年八月薨，至此年五月始滿二十二月，未盡其月為禘祭，故言方。或可譏其天速，以甚言之，故云方也。穀

梁傳

小史若有事，則詔王之忌諱。

先王死日為忌名為諱。疏曰：先王死日為忌名為

諱者告王當避此二事。春官

大夫士父母之喪，既練而歸，忌日則

歸哭于宗室

詳見
練章

君子有終身之喪忌日之謂也

詳見

喪禮
義

喪三年以為極亡則弗之忘矣故君子有終身

之憂而無一朝之患故忌日不樂

同上

右忌日 文王之祭也事死者如事生思死者如

不欲生忌日必哀稱諱如見親

詳見喪
禮義

儀禮經傳通解續卷七

欽定四庫全書

儀禮經傳通解續卷八

宋 黃幹 撰

補服八 喪禮六

補

補服有五有見本經傳記者如父卒為祖後者服斬之類是也有見它記者如祖父卒而後為祖母

後者三年是也有見註疏者如天子諸侯父在為祖斬衰無期是也又有心喪有弔服悉類而分之以補

經文之缺

父卒為祖後者服斬

詳見不杖期章為君之父母妻長子祖父母條傳

與諸

侯為兄弟者服斬

喪服小記見斬衰章君條下

女為父喪未練而

出則三年既練而出則已既練而反則遂之

喪服小記詳見斬

衰章子嫁反在父之室為父三年條下又案不杖期章為君之父母妻長子祖父母疏云天子諸侯父在為

祖皆斬衰無期又云為曾祖後者服斬斬衰章子嫁反在父之室疏云天子之女嫁於諸侯諸侯之女嫁

于大夫仍為父不降斬衰三年斬衰章諸侯為天子條下為天王斬衰疏云諸侯諸臣皆為王斬衰又斬

衰章君條下與諸侯為兄弟者服斬疏云凡與諸侯有五屬之親者皆服斬謂諸侯之尊不可以本親輕服服

之又補齊衰不杖期章為王后齊衰疏云士為國君斬又云大夫之適子為君如士服斬衰又云天子

卿大夫適子為天子服如士服斬衰已上八條經傳之文未具今附見於此以補斬衰之缺下補疏衰三年

至補總
並同

右補斬衰

祖父卒而後為祖母後者三年

喪服小記詳見不杖章祖父母條

為

所後者之妻若子

詳見斬衰章為人後者傳

女為母喪未練而出

則三年既練而出則已既練而反則遂之

見前斬衰章又案不杖

期章祖父母條祖父卒而後為祖母後者三年疏云若祖卒時父在已雖為祖期今父沒祖母亡亦為祖母三年

年總麻章庶子為父後者為其母傳注云大夫卒庶子為母三年又云士雖在庶子為母皆如衆人斬

衰章子嫁反在父之室疏云天子之女嫁于諸侯諸侯之女嫁于大夫仍為母齊衰三年已上見于注疏者

凡四條

右補齊衰三年

為所後者之妻若子

詳見斬衰章為人後者傳又案不杖章祖父父母條下祖父卒而後

為祖母三年注云祖父在適孫為祖母服如父在為母齊衰杖期不杖章大夫之適子為妻注云大夫之庶

子為妻杖期又云大夫之適子父沒後為妻杖期已上見於注疏者三條

右補齊衰杖期

周禮司服凡喪為王后齊衰

王后小君也諸侯為之不杖期疏曰凡喪者諸侯

諸臣皆為天王斬衰王后齊衰故云凡以廣之鄭云王后小君也者解經臣為王后著齊衰之意鄭又云諸侯

為之不杖期者案喪服不杖章云為君之母妻傳曰何以期也從服也但諸臣亦為王斬衰為后期鄭特言諸侯者以喪服斬衰章云臣為君諸侯為天子及至不杖章直云為君之母妻不別見諸侯為后之文故鄭解之本不見諸侯為后者以其諸侯為后與臣為之同故不別見也其卿大夫適子為君夫人亦與諸臣同士之子賤無服當從庶人禮服問云諸侯之世子不為天子服注云遠嫌也與畿外之民同服服問又云大夫之適子為君夫人大子如士服注大夫不世子不嫌也士為國君斬小君期大子君服斬臣從服期天子卿大夫適子亦當然故云

君為天子三年夫人如外宗之為君也

服問詳見斬衰章諸侯為天子條下

外宗為君夫人猶內宗也

雜記見

斬衰章君條下

大夫之適子為君夫人太子如士服

服問疏詳見

斬衰章
君條

女未練而反則期

喪服小記子嫁反在父之室

詳見斬衰章父三

年條

世子為妻與大夫之適子同

小記

見不杖期章大夫之適子為妻條

下

公子之妻為其皇姑

詳見喪服義世父母叔父母傳注及昆

又

弟注並云為姑姊妹在室亦如之為衆子注云女子子在室亦如之今案姑姊妹女子子服經無明文見于注

疏者有此三條蓋姪之為姑兄弟之為姊妹父母之為女子子其服如此則在室姑之為姪在室姊妹之為兄

弟在室女子子之為父母及其餘親其服並當與男子服同齊衰杖期妻傳注云適子父在則為妻不杖

王為適孫適曾孫適玄孫適來孫皆齊衰出周禮司服凡凶事服弁服注云服弁喪冠也其服斬衰齊衰疏云

服弁于上下文不類者以是喪服故變其文也天子諸侯絕傍期正統之期猶不降故兼云齊衰其正服大功

亦似不降也大功章曰適婦注云適子之婦傳曰何以
大功也不降其適也既無所指斥明闕之天子諸侯也
又服問云君所主夫人妻大子適婦既言君所主服不
降也如是則為適孫之婦又當小功今注止云斬衰齊
衰者以其正服齊衰是不降之首然則王為適子斬衰
其為適孫適曾孫適玄孫適來孫則皆齊衰不杖章云
適孫傳曰何以期也不敢降其適也有適子者無適孫
孫婦亦如之玄謂凡父於將為後者非長子皆期然則
王禮亦適子死有適孫適孫死有適曾孫向子皆然也
又案喪服傳云始封之君不臣諸父昆弟封君之子
不臣諸父而臣昆弟天子之義亦當然若虞舜之與漢
高皆庶人起為天子蓋亦不臣諸父昆弟而有服也
不杖章為君之父母妻長子祖父母餘下為王后齊衰
疏云諸侯諸臣皆為王后齊衰又云士為小君期
又云太子君服斬臣從服期又云大夫適子為夫人
大子如士服期又云天子卿大夫適子為王后太子

如士服期 又斬衰章君條下與諸侯為兄弟者服斬
疏云兄弟俱作諸侯則各依本服不杖期 大功章大
夫之妾為君之庶子注云士之妾為君之眾子亦期
大功章適婦條適婦不為舅後者注云凡父母於子將
不傳重於適及將所傳重者非適服之皆如
庶子不杖期 已上見於注疏者凡十二條

石補齊衰不杖期

宗子孤為殤大功衰小功衰皆三月親則月筭如邦人

詳見齊衰三月章大夫婦
人為宗子宗子之母妻條 為所後者之祖父母若子

詳見斬衰章為人後者傳 又案齊衰三月章曾祖注
疏云高祖齊衰三月 斬衰章君條外宗為君夫人猶

內宗也疏云內宗五屬之女嫁于庶人從為國君齊衰
三月 齊衰三月章庶人為國君注疏云天子圻內之

民為天子齊衰三月又總衰章諸侯之大夫為天子疏
云圻內為天子齊衰三月則圻外之民不服可知
上見於注
疏者三條

右補齊衰三月

夫為人後者其妻為舅姑大功

小記見斬衰章為人後者為其父母報條

公叔木有同母異父之昆弟死問於子游

木當為朱春秋作戊

衛公叔文子之子
定公十四年奔衛

子游曰其大功乎

疑所服也親者屬大功是疏曰喪

服無文故子游疑之云親者屬大功是者鄭意以為同
母兄弟母之親屬服大功是也所以是者以同父同母

則服期今但同母而其兄弟是親者血屬故降一等而
服大功案聖證論王肅難鄭禮稱親者血屬謂出母之

身不謂出母之子服也若出母之子服大功則出母之父母服應更重何以為出母之父母無服王肅云同母異父兄弟服大功者謂繼父服齊衰其子降一等故服大功焉昭難王肅云異父昆弟恩繼于母不繼于父肅以為從繼父狄儀有同母異父之昆弟死問於子夏子而服非也

夏曰我未之前聞也魯人則為之齊衰狄儀行齊衰今

之齊衰狄儀之問也

禮弓 案魏明帝景初中尚書祠部問同母異父昆弟服應幾月太

常博士據子游鄭注大功九月高堂崇云聖人制禮外親正服不過總殊異外內以明理也外祖父母以尊加從母以名加皆小功舅總服而已外兄弟異族無屬疎於外家遠矣故於禮序不得有服若以同居從同費服無緣章云大功乃重於外祖父母此實先賢之過也
齊穀王姬之喪穀當為告聲之誤也

王姬周女齊魯莊公為之大功或曰由魯嫁故為之服

姊妹之服或曰外祖母也故為之服春秋周女由魯嫁

姊妹是也天子為之無服嫁於王者之後乃服之莊公

齊襄公女弟文姜之子當為舅之妻非外祖母也外祖

母又小功也疏曰齊王姬卒穀梁傳云為之主者卒

之也案莊元年秋築王姬之館于外下云王姬歸于齊

是由魯嫁也大功章君為姑姊妹女子嫁于國君者

著大功之服王姬既比之內女故服大功也天子無服

者以尊卑不敵故也若嫁於王者之後天子以賓禮待

之則亦大功也其女反為兄弟為諸侯者亦大功以喪

服女子出嫁為兄弟大功故也案喪服云女子子為父

後者期謂大夫士妻有往來歸宗之義故喪服傳云

婦人雖在外必有歸宗曰小宗是也諸侯夫人父母卒

無復歸寧之理故諸侯夫人為兄弟為諸侯但大功耳

欽定四庫全書

儀禮經傳通解

六

熊氏以為服期非也案喪服小記云與諸侯為兄弟者服斬卑賤降等雖不為臣猶服斬衰與此別也 檀弓

又案不杖期章大夫之庶子為適昆弟傳注云大夫適子為庶昆弟大功又云庶昆弟相為亦大功小

功章大夫之妾為庶子適人者注云君之庶女子在室大功嫁於大夫亦大功 大功章皆為從父昆弟之為

大夫者注云適子為從父昆弟之為大夫者大功 大功章庶孫注疏云女孫在室大功 又司服疏云天子

諸侯為適子之婦大功已上見於注疏者五條

右補大功

適婦不為父後者則姑為之小功

小記功章適婦條下 為

所後者妻之父母若子

詳見斬衰章為人後者傳又案大功章適婦條下適婦不為

舅後者注云舅姑於婦將不傳重於適及將所傳重者非適服之如庶婦小功又司服疏云天子諸侯為適孫

之婦小功

右補小功

公子之妻為公子之外兄弟

謂為公子之外祖母
從母總詳見喪服義

為所後者之妻之昆弟若子

詳見斬衰章
為人後者傳

為所後者

之妻之昆弟之子若子

同上

從母之夫舅之妻二夫人

相為服君子未之言也

從才用反二夫人之夫音扶為
于偽反二夫人猶言此二人

也時有此二人同居死相為服者甥居外家而非之
疏曰以下云同繫總故知同居也云甥居外家而非之

者以言從母及舅皆
是外甥稱謂之辭故
知甥也或曰甥來居
在外姓舅氏之家見
有此事而非之也

同爨

總爨七亂反或以同
居生總之親可疏曰
甥既將為非禮或人
以為於禮可許既同
爨而食合

有總麻之親此皆據
總麻之正者非弔服
也凡弔服不得稱服
記云請喪夫子若喪
父而無服時朋友弔
服而稱無服故知此
檀弓士妾有子而為
之總無子則已

士卑妾無男女則不
服不別貴賤疏曰大
夫貴妾雖無子猶服
之故大夫為貴妾總
是別貴賤也士妾賤
無子則不服不別
改葬總謂墳墓以他
故崩塌將亡失貴賤
也小記

敗改設之如葬時也
其莫如大斂從廟之
廟從墓之墓禮宜同
也服總者臣為君也
子為父也妻為夫也
必服總者親見尸柩
不可以無服總三月
而除之疏曰案既夕
記朝廟至廟中更設
遷祖奠云如大斂奠
即此移

樞向新葬之處所設之奠亦如大斂之奠士用豚三鼎則大夫已上更加牲牢大夫用特牲諸侯用少牢天子用大牢可知又朝廟載柩之時士用軼軸大夫已上用輶不用蜃車飾以帷荒則此從墓之墓亦與朝廟同可知臣為君子為父妻為夫惟據極重而言餘無服也不言妾為君以不得體君差輕故也不言女子子婦人外成在家又非常故亦不言諸侯為天子諸侯在畿外差遠改葬不來亦不言也君親死已多時哀殺已久可以無服但親見君父尸柩故制服以表哀故皆服總也云三月而除者謂葬時服之及其除也亦法天道一時故亦為母亦與此同也喪服記又案通典漢戴德云制總麻具而葬葬而除謂子為父妻妾為夫臣為君孫為祖後也無遣奠之禮其餘親皆弔服魏王肅云司徒文子改葬其叔父問服於子思子思曰禮父母改葬總葬而除不忍無服送至親也肅又云本有三年之服者道

有遠近或有艱故既葬而除不待有三月之服也非父母無服無服則弔服加麻

葬桓王改

葬也改葬之禮總舉下緬也

者五服最下因葬桓王記

疏曰總

改葬之禮不謂改葬桓王當服總也江熙曰葬稱公舉

五等之上改葬禮總舉五服之下以喪緬藐遠天子諸

侯易服而葬以為交於神明者不可以純凶況其緬者

乎是故改葬之禮其服唯輕言緬釋所以總也莊公

三年春秋穀梁傳又案喪服小記以五為九疏從父

昆弟之孫總麻又云兄弟之曾孫總麻總麻章夫

之諸祖父母報注疏云夫之從祖祖父母報總麻又

云夫之外祖父母報總麻又案凡言報者皆兩相為

服以夫之外祖父母報推之則外祖父母為女子之

子之妻總麻又以夫之從祖祖父母報推之則兄弟之

總麻

孫婦

總麻

總麻

總麻

總麻

總麻

總麻

總麻

總麻

總麻

總麻

總麻

總麻

右補總

五世袒免

見喪服義

旅之相為也宜弔不弔宜免不免有

司罰之

右補五世袒免

事師無犯無隱服勤至死心喪三年

詳見斬衰章父條

師無

當於五服五服不得不親

當猶主也五服斬衰至總麻之親疏曰師於弟子不當

五服之一也而弟子之家若無師誨則五服之情不相和親也故云弗得不親是師情有在三年之義故亦與

親為類學記

孔子之喪門人疑所服子貢曰昔者夫子之

喪顏淵若喪子而無服喪子路亦然請喪夫子若喪父

而無服弔服而加麻心喪三年疏曰禮喪師無服門

禮故疑所服注知為師弔服加麻也麻者案喪服朋友加麻

其師與朋友同故知亦加麻也麻謂經與帶也皆以麻

為之故云加麻也又喪服記總章云朋友麻鄭云朋友

雖無親而有同道之恩相為服總之經帶是也總為五

服之輕又與錫衰等同為弔服之限故知總之經帶也

論云為師及朋友皆既葬除之凡弔服唯有升經皆無

帶也周禮司服及服問但云弁經不云帶其朋友之服

諸侯及大夫等則皆疑衰故鄭注喪服云朋友之相為

服則弔服也既特云弔服明諸侯及大夫等皆用士之

弔服唯加總之經帶為異耳喪服朋友麻鄭注云服總

之經帶又下文子游襲裘帶經而入鄭注云所弔者朋

友是朋友相為加帶凡朋友相為者雖不當事亦升經

故下文云羣居則經是也
檀弓 又
案朋友麻疏云三衰經帶同有當考

孔子之喪二

三子皆經而出

尊師也出謂有所之適然則凡予服加麻者出則變服

羣居則經

出則否

羣謂七十二弟子相為朋友服子夏曰吾離羣而索居 檀弓

又案家語子游曰吾聞諸夫子喪朋友居則經出則否

喪所尊雖經而出可也

孔子沒三年之外門人治

任將歸入揖於子貢相嚮而哭皆失聲然後歸子貢反

築室於場獨居三年然後歸

任平聲 朱氏集注曰三年古者為師心喪三年若

喪父而無服也任擔也場冢上之壇場也孟子程氏遺書曰師不立服不可立也當以情之厚薄事之大

小處之如顏閔於孔子雖斬衰三年可也其成已之功與君父並其次各有淺深稱其情而已下至曲藝莫不

有師豈可一概制服

孔子葬於魯城北弟子皆家于墓行心喪

之禮

又案齊衰杖期章父在為母杖期心喪三年

右補心喪三年

無服而為位者唯嫂叔及婦人降而無服者麻

唯無服猶弔服

加麻袒免為位哭也正言嫂叔尊嫂也兄公於弟之妻則不能也婦人降而無服族姑姊妹嫁者也逸奔喪禮曰無服袒免為位者唯嫂與叔凡為其男子服其婦人降而無服者麻疏曰哭嫂與叔為位并及族姑姊妹女子出嫁于人元是總麻今降而無服亦當為位哭之加弔服之麻不為之袒免故云無服者麻也麻謂總之經也兄公於弟妻不服者卑遠之也弟妻子兄公不服者尊絕之也爾雅釋親云婦人謂夫之兄為兄公逸奔

喪禮云凡為其男子服其婦人降而無服者麻者男子謂族伯叔族兄弟之等為其族姑及姊妹既降無服其族姑姊妹為族伯叔族兄弟亦無服男之於女女之于男皆無服而加麻奔喪傳曰夫之

昆弟何以無服也其夫屬乎父道者妻皆母道也其夫

屬乎子道者妻皆婦道也謂弟之妻婦者是嫂亦可謂

之母乎故名者人治之大者也可無慎乎詳見大功夫之祖父母世

叔父嫂叔之無服也蓋推而遠之也檀弓書曰問嫂叔古

母條無服今有之何也曰禮記曰推而遠之也此說不是古之所以無服者只為無屬其夫屬乎父道者妻皆母道也其夫屬乎子道者妻皆婦道也今上有父有母下有子有婦叔父伯父父之屬也故叔母伯母之服與叔父

伯父同兄弟之子之屬也故兄弟之子之婦服與兄弟之子同若兄弟則已之屬也難以妻道屬其嫂此古者所以無服以義理推不行也今之朋友麻朋友雖有服亦是豈有同居之親而無服者

朋友麻

朋友雖無親有

同道之恩相為服總之經帶檀弓曰羣居則經出則否其服弔服也周禮曰凡弔當事則弁經其服有三錫衰也總衰也疑衰也王為三公六卿錫衰為諸侯總衰為大夫士疑衰諸侯及卿大夫亦以錫衰為弔服當事則弁經否則皮弁辟天子也士以總衰為喪服其弔服則疑衰也舊說以為士弔服布上素下或曰素委貌加朝服論語曰緇衣羔裘又曰羔裘玄冠不以弔何朝服之有乎然則二者皆有似也此實疑衰也其弁經皮弁之時則如卿大夫然又改其裳以素辟諸侯也朋友之相為服即士弔服疑衰素裳庶人不爵弁則其弔服素委貌疏曰云朋友麻者據朋友在他國加袒免今此在國相為弔服麻經帶而已注云朋友雖無親有同道之

恩相為服總之經帶者案禮記禮運云人其父生而師教之朋友成之論語云以文會友以友輔仁以此而言人須朋友而成也故云朋友雖無親有同道之恩故為之服知總之經帶者以其總是五服之輕為朋友之經帶約與之等故云總之經帶也云其服弔服也者以其不在五服五服之外惟有弔服故引周禮弔服之事證此朋友麻實疑衰也案周禮司服王為三公六卿錫衰為諸侯總衰為大夫士疑衰其首服皆弁經又案服問為公為卿大夫錫衰以居出亦如之當事則弁經大夫相為亦然為諸侯及卿大夫亦以錫衰為弔服也云當事則弁經者天子常弁經諸侯及卿大夫當大斂小斂及殯時乃弁經非此時則皮弁辟天子也士弔服則疑衰士卑無降服既以總為喪服不得復將總為弔服故向下取疑衰為弔服也舊說者以士弔服無文故以士弔服布上素下或曰素委貌加朝服前有此二種解者故鄭引論語破之云緇衣羔裘羔裘玄冠並是朝服羔裘

玄冠不以弔何朝服之有乎言朝服亦不合首加素委
貌又布上素下近是天子之朝服又不言首所加故非
之也故注總破二者而云此之所服實疑衰也云又改
其裳以素辟諸侯者諸侯卿大夫所服實疑衰也云又改
諸侯之士不著疑裳而用素裳又辟諸侯也故朋友之
相為服即士弔服疑衰而素裳是鄭正解士之弔服庶
人不爵弁則其冠素委貌不言其服則白布深衣也以
白布深衣庶人之常服又尊卑未成服以前服之故庶
人得為弔服也凡弔服直云素弁環經不言帶或云有
經無帶但弔服既著衰首有經不可著吉時之大帶吉
時之大帶有采麻既不加于采采可得加于凶服乎案
此經注服總之經帶則三衰經帶同有可知其弔服之
除案雜記云君於卿大夫比葬不食肉比卒哭不舉樂
是知未吉則凡弔服亦當依氣節而除並與總麻同三
月除之為士雖比殯不舉樂
亦既葬除之矣
喪服記
朋友皆在他邦袒免歸

則已

謂無親者當為之主每至袒時則袒袒則去冠代之以免已猶止也歸有主則止也主若幼少則未

止小記曰大功者主人之喪有三年者則必為之再祭朋友虞祔而已疏曰朋友或共遊學皆在他國而死

者每至可袒之節則為之袒而免與宗族五世袒免同鄭云無親者以其有親入五服今言朋友故知是義合

之輕無親者也既孤在外明為之作主可知凡喪至小斂節主人素冠環經以視斂斂訖投冠括髮將括髮先

袒乃括髮據主人齊衰已下皆以免代冠以冠不居肉袒之禮故也主若幼少則未止者本以外為無

主與之為主今至家主若幼不能為主則朋友猶為之未止引小記者證主幼少不能主喪朋友為主之義以

雖有子小不能主大功為主者為之再祭謂練祥朋友輕為之虞祔而已以其又無大功已下之親此朋友自

外來及在家朋友皆得為主虞祔乃去又云小功總麻為之練祭可也是親疎差降之法也喪服記今案

注云無親謂在它邦無骨肉之親故朋友為主非謂朋友是義合之輕無親者也疏說非是又案斬衰章君傳疏云士無臣故僕隸等為之弔服加麻

右補弔服加麻

司服凡弔事弁經服

弁經者如爵弁而素加環經論語

經其服錫衰總衰疑衰諸侯及卿大夫亦以錫衰為弔服喪服小記曰諸侯甲必皮弁錫衰則變其冠耳士當事弁經疑衰變其裳以素耳國君於其臣弁經他國之臣則皮弁大夫士有朋友之恩亦弁經故書弁作紒鄭司農紒為弁弁而加環經即弁經服作紒音弁疏曰言凡者以其弔事非一故亦云凡以廣之也云其服錫衰總衰疑衰者據下文陳三等弔服錫衰以下而說也云諸侯及卿大夫亦以錫衰為弔服者案服問云君

為卿大夫錫衰以居當事則弁經大夫相為亦然故知之也云喪服小記曰諸侯弔必皮弁錫衰則變其冠耳者不言君而言諸侯則是弔異國之臣法不著弁經而云皮弁故云變其冠耳云國君於其臣弁經者服問云當事則弁經是也云他國之臣則皮弁者喪服小記文是也大夫士有朋友之恩亦弁經者喪服記云朋友麻相知大夫於士士自相於有朋友之恩者服麻也大夫相於不假朋友恩以其服問卿大夫相為亦錫衰弁經不言朋友也凡弔服天子之服下文具矣其諸侯弔服亦應三衰俱有但所用據文唯有服問云為卿大夫錫衰以居出亦如之當事則弁經其用總衰疑衰則文王世子注同姓之士總衰異姓之士疑衰以其卿大夫已用錫衰故以二衰施於同姓異姓之士也案士喪禮注云君弔必錫衰者蓋士有朋友之恩者加之與大夫同用錫衰耳大夫相於必用錫衰者以大夫雖以降服仍有小功降至總麻則不得以總衰為弔總衰既不弔明

疑衰亦不可為故以錫衰為弔服也士之弔服不用錫衰者避大夫疑衰不用疑裳者鄭注喪服云避諸侯也凡弔服皆既葬除之其大夫妻亦與大夫同故喪服云大夫弔于命婦錫衰命婦弔於大夫亦錫衰注云弔於命婦命婦死也是也服問云為其妻出則不服與大夫小異耳詳見喪服制度庶人弔服見前篇朋友麻疏

弁師王之弁經弁而加環經諸侯及孤卿大夫之

弁經各以其等為之而掌其禁令

詳見制度

凡弁經其衰

侈袂

同上

司服王為三公六卿錫衰為諸侯總衰為大

夫士疑衰其首服皆弁經

同上

天子之哭諸侯也爵弁

經紒衣

紒本又作緇又作純同側其反服士之祭服以哭之明為變也天子至尊不見尸柩不弔服

麻不加於米此言經衍字也時人聞著弁經
因云之耳周禮王弼諸侯弁經總衰檀弓 公為卿

大夫錫衰以居出亦如之當事則弁經大夫相為亦然

為其妻往則服之出則否錫思歷反弁經如爵弁而素加經也不當事則皮弁出

謂以他事不至喪所疏曰此明君為卿大夫之喪成服之後著錫衰以居也出謂以他事而出不至喪所亦

著錫衰其首則服皮弁君往弔卿大夫當大斂及殯并將葬啓殯當如此之事則首著弁經身衣錫衰若於士

雖當事首服皮弁故士喪禮云君視大斂注云皮弁服襲裘是也大夫相為亦如君於卿大夫不當事則皮弁

當事則弁經故雜記云大夫與斂亦弁經是也大夫於士雖當事亦皮弁也公於卿大夫之妻及卿大夫相為

其妻往臨其喪則服錫衰不恒著之以居若餘事之出則不服也其當殯斂之事亦弁經也服問 諸

侯弔必皮弁錫衰所弔雖已葬主人必免主人未喪服

則亦不錫衰

也必免者尊人君為之變也未喪服未成服也既殯成服疏曰皮弁錫衰者此有二

種一云皮弁錫衰謂弔異國臣也若自弔已臣則素弁環經錫衰也故鄭注國君於其臣弁經他國之臣皮弁

一云此亦為自弔已臣而未當事則皮弁錫衰至當事乃弁經耳所弔雖已葬主人必免者謂諸侯來弔主人

必為之重禮凡五服自大功以上為重重服為免之節自始死至葬卒哭後乃不復免也小功以下輕輕服為

免之節自始死至殯殯後不復免至葬啓殯之後而免以至卒哭如始死今若人君來弔雖非服免時必為免

以尊重人君來故也必免謂大功以上也小功以下則不然也下云親者皆免注云大功以上是也云未成服

謂未括髮未散麻帶經之屬云既殯成服士喪禮既殯三日成服喪服小記大夫有私

喪之葛則於其兄弟之輕喪則弁經

疏曰私喪之葛謂妻子之喪至

卒哭以葛代麻之後於此之時遭兄弟之輕喪總麻亦著弔服弁經而往不以私喪之未臨兄弟也若成服之後則錫衰未成服之前身著素裳而首服弁經也凡弟輕喪謂總麻也大夫降一等雖不服以骨肉之親不可以妻子未服而往

哭之故服弁經也

雜記

大夫之哭大夫弁

經大夫與殯亦弁經

弁經者大夫錫衰相弔之服也如爵弁而素加環經曰弁經疏曰

大夫之哭大夫弁經者此謂成服以後大夫往弔哭身著錫衰首加弁經大夫與殯亦弁經者此謂未成服之前故與殯亦加弁經其餘則異身著當時所服之服故士喪禮注云主人成服之後往則錫衰主人未成服君亦不錫衰則著皮弁服也若此大夫主人未成服之前身亦皮弁服而弁經若主人未小斂之前則吉服而往

不弁經也

同上

大夫弔於命婦錫衰命婦弔於大夫亦錫

衰傳曰錫者何也麻之有錫者也錫者十五升抽其半

無事其縷有事其布曰錫

謂之錫者治其布使之滑易也錫者不治其縷衰在內也

總者不治其布衰在外也君及卿大夫弔士雖當事皮弁錫衰而已士之相弔則如朋友服疑衰素裳凡婦人相

弔吉筭無首素總疏曰錫謂不治其縷治其布以衰在內總則治縷不治布衰在外以其王為三公六卿重

於畿外諸侯故也云君及卿大夫弔士雖當事皮弁錫衰而已者是士輕無服弁經之禮有事無事皆皮弁若

然文王世子注諸侯為異姓之士疑衰同姓之士總衰今言士與大夫又同錫衰此言與士喪禮注同亦是君

於此士有師友之恩者也云凡婦人相弔吉筭無首素總者婦人弔之首服無文故特釋錫衰傳後乃解之必

知用吉筭無首素總者下文女子子為父母卒哭折吉
筭之首布總此弔服用吉筭無首素總又男子冠婦人
筭相對婦人喪服又筭總相對上注男子弔用素
冠故知婦人弔亦吉筭無首素總也 喪服記 羔

裘玄冠不以弔

喪主素吉主玄吉凶異服 疏曰凶主
素吉主玄故羔裘玄冠不以弔喪也凡

物無飾曰素又禮祭服皆玄衣
是喪主素吉主玄也 論語

季桓子死魯大夫朝

服而弔子游問於孔子曰禮乎夫子不答他日又問夫

子曰始死羔裘玄冠者易之而已汝何疑焉

家語 案
檀弓曰始

死羔裘玄冠者易之而已注云養疾者朝服羔裘玄冠
即朝服也始死則易去朝服著深衣故云易之而已檀
弓注據養疾者言之家語所載孔子答
子游之言據弔者言之文同而意則異

曾子襲裘而

弔子游謁襄而弔曾子指子游而示人曰夫夫也為習

於禮者如之何其謁襄而弔也

夫夫上音扶下如字曾子蓋知臨喪無飾夫

夫猶言此丈夫也子游於時名為習禮

主人既小斂袒括髮子游趨而出

襲裘帶經而入曾子曰我過矣我過矣夫夫是也

人於主變

乃變也所弔者朋友

疏曰子游趨而出襲裘帶經而入凡弔喪之禮主人未變之前弔者吉服而弔吉服謂

羔裘玄冠緇衣素裳又袒去上服以露裼衣此則裼裘而弔是也主人既變之後雖著朝服而加武以經又掩

其上服若是朋友又加帶則此襲裘帶經而入是也案喪大記云弔者襲裘加武帶經是也

檀弓衛

司徒敬子死

司徒官氏公子許之後

子夏弔焉主人未小斂經而

往子游弔焉主人既小斂子游出經反哭子夏曰聞之

也與曰聞諸夫子主人未改服則不經

疏曰主人既小斂出經反哭與

子游前祔裘弔朋友同也此雖不云帶凡單云經則知有帶猶如喪服云直經檀弓為師二三子皆經而出及

朋友羣居則經皆是包帶之文也同上

魯昭公夫人吳孟子卒不赴于

諸侯孔子既致仕而往弔焉適于季氏季氏不經孔子

投經而不拜

以季氏無禮故已亦不成禮

子游問曰禮與孔子曰主

人未成服則弔者不經焉禮也

家語又案春秋左氏傳云孔子與弔適季氏

季氏不絕放經而拜

魯婦人之壻而弔也自敗於臺始也

壻側

凡反臺鮑上音胡下音臺時家家有喪鬢而相弔玄纓而紒曰鬢禮婦人弔服大夫之妻錫衰士之妻則疑衰與皆吉并無首素總纓所買反黑繒鞞紒疏曰云士之妻則疑衰與者以士妻弔服無父故云疑衰與士弔服疑衰素裳故以為士妻弔服疑衰必知弔服夫妻同者以喪服大夫命婦俱以錫衰弔故也云皆吉并無首素總者大戴禮文也檀弓

右補弔服

儀禮經傳通解續卷八